

UGOVOR O IZVOĐENJU RADOVA

Ovaj Ugovor je sklopljen 05.10.2017.godine između:

Agencije „Stari Grad“, Maršala Tita 170, 88 000 Mostar (u daljnjem tekstu “Naručitelj”) koju zastupa direktor Miralem Fajić, na jednoj strani

i

D.O.O. „IZGRADNJA TOJAGA“ Export-Import Mostar, sa sjedištem Bišće polje bb, 88000 Mostar, (u daljnjem tekstu “Izvođač”) koju zastupa izvršni direktor, Mirsad Tojaga, na drugoj strani.

Budući da je Naručitelj uputio izvođaču poziv za dostavljanje ponuda za izvođenje radova (brojčana oznaka : **JRJN: 45400000-1, Redovno održavanje objekta Agencije „Stari grad“ Mostar u Ul.M.Tita 170 (172), 88000 Mostar**, te nakon sprovedenog postupka javne nabavke (direktni sporazum), prihvatio izvođačevu ponudu za izvođenje i završetak ugovornih radova po cijeni od 6.997,77 KM sa PDV-om (šesthiljadadevetstodevedesetsedamKM i 77/100), (u daljnjem tekstu “ugovorna cijena”), strane su se dogovorile kako slijedi:

Član 1.

UGOVORNI DOKUMENTI

1.1 Sljedeći dokumenti smatrat će se sastavnim dijelovima ugovora:

- (1) Ponuda odnosno specifikacija cijena (predračun radova) koje je podnio ponuđač

Član 2.

PREDMET UGOVORA

Redovno održavanje objekta Agencije „Stari grad“ Mostar u Ul.M.Tita 170 (172), 88000 Mostar.

Izvođač je dužan:

- a.) izvesti sve radove u skladu s ugovornim dokumentima, parafiranim od obje strane; te ispuniti sve obaveze, koje su navedene u odredbama ovog ugovora,
- b.) izvesti sve nepredviđene radove isključivo po zahtjevu Naručitelja , a nakon predhodno sprovedenog postupka po Zakonu o javnim nabavkama („Službeni glasnik BiH“ broj: 39/14),
- c.) prihvatiti odgovornost za eventualnu nastalu štetu trećim licima, kao posljedicu implementacije ovog ugovora,
- d.) ne zapošljavati, u svrhu izvršenja ovog ugovora, fizičke ili pravne osobe koje su sudjelovale u pripremi tenderske dokumentacije ili su bile u svojstvu člana ili stručne osobe koje je angažirala komisija za nabavke, nadležna za dodjelu ugovora o javnoj nabavci,
- e.) za potrebe uređenja gradilišta izvođač radova je obavezan izraditi Plan organizacije gradilišta u skladu sa članu 6. Uredbe Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju („Službene novine Federacije BiH“ broj: 48/09).

Član 3.

UGOVORNA CIJENA

3.1 Ugovorna cijena za izvođenje ugovornih radova prema članu 2. ovog ugovora iznosi:

neto vrijednost radova:	5.981,00 KM (pethiljadadevetstoosamdesetjednaKM)
porez na dod. vrijednost – PDV:	1.016,77 KM (jednahiljadašesnaestKM i 77/100)
Ukupno:	6.997,77 KM (šesthiljadadevetstodevedesetsedamKM i 77/100)

3.2 Cijena za izvođenje radova određena je po jedinici mjere tj. po jediničnim cijenama.

Jedinične cijene radova iz stavki troškovnika su fiksne i neće se mijenjati.

Član 4.

NAČIN PLAĆANJA

4.1 Plaćanja Izvođaču u okviru ovog ugovora vršit će se na sljedeći način:

Naručitelj će putem trezora platiti ugovornu cijenu u roku od 20.dana od dostave računa, na račun Izvođača: **141 701 0011 311 082 – Bosna Bank International d.d.**

Član 5.

ROKOVI

5.1 Rok završetka radova

Izvođač se obavezuje da će ugovorne radove izvršiti u roku od 30 radnih dana računato od početnog datuma. Početni datum je najkasnije 2 dana od potpisivanja Ugovora.

5.2 Rok uspostavljanja gradilišta na raspolaganje Izvođaču.

Naručitelj će staviti izvođaču gradilište na raspolaganje do početnog datuma.

Član 6.

UGOVORNA KAZNA

6.1 Ugovorna kazna za prekoračenje ugovornog roka završetka radova iznosi 0,005% od ugovorne cijene po danu zakašnjenja.

6.2 Maksimalni iznos ugovorne kazne za prekoračenje ugovornog roka, prema 6.1 gore, je 3% od ugovorne cijene.

Član 7.

UGOVORNO PRAVO

- 7.1 Mjerodavno pravo ugovora je pravo Bosne i Hercegovine i Federacije Bosne i Hercegovine

Član 8.

JEZIK UGOVORA

- 8.1 Mjerodavni jezik ugovora je jedan od službenih BiH jezika

Član 9.

JAMSTVO ZA DOBRO IZVRŠENJE UGOVORA

- 9.1 nema

Član 10.

JAMSTVENO RAZDOBLJE

- 10.1 Jamstveno razdoblje iznosi: 2 godine - za opremu i građevine.

Član 11.

ARBITRAŽA

- 11.1 Postupak arbitraže: U skladu s Pravilnikom o rješavanju sporova Stalnog izabranog sudišta pri Privrednoj komori u Mostaru.
- 11.2 Mjesto arbitraže: Mostar

Član 12.

GRADILIŠNA DOKUMENTACIJA

- 12.1 Izvođač je obavezan uredno voditi gradilišnu dokumentaciju u skladu sa Uredbom Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju („Službene novine FBiH“ br. 48/09) i ostalim važećim propisima, iz koje će se vidjeti tok, način i obim izvršenih radova.

Član 13.

PREDSTAVNIK NARUČITELJA

- 13.1 Naručitelj imenuje gosp. **Šain Antu, d.i.g. kao Voditelja projekta**, koji će djelovati u njegovo ime u svrhe ovog ugovora, obavljati kontrolu i stručni nadzor nad izvođenjem radova.

Član 14.

PREDSTAVNIK IZVOĐAČA

- 14.1 Izvođač imenuje gosp. **Edin Sarić, d.i.g. kao svog ovlaštenog predstavnika**, koji će djelovati u njegovo ime u svrhe ovog ugovora.

Član 15.

OBAVIJESTI

- 15.1 Službene obavijesti će se upućivati na adresu navedenu u zaglavlju ugovora.

Član 16.

STUPANJE UGOVORA NA SNAGU

- 16.1 Ugovor stupa na snagu po ispunjenju svih niže navedenih uslova:
- ugovor su potpisale obje strane

Član 17.

- 17.1 Ovaj ugovor je sastavljen u 4 (četiri) istovjetna primjerka, od kojih svaka strana dobiva po 2 (dva) primjerka.

U potvrdu gore navedenog strane su potpisale ovaj dokument, čime je ugovor u skladu sa važećim propisima sklopljen u Mostaru dana i godine naznačenih na početku ugovora.

U ime NARUČITELJA:
Agencija „Stari grad“

Direktor:
Miralem Fajić, dipl. pravnik

Protokol: I-25-708-6/17

U ime IZVOĐAČA:
D.O.O. „IZGRADNJA TOJAGA“
Export - Import Mostar

Izvršni direktor:
Mirsad Tojaga

